

# Klem eur Bugel

TON : *Mousik ar Morbihan.*

Min.  $\text{d} = 84$

Me ne doun nemed eur bugel,  
Ganet tost da Bont-Menou :  
D'ar skol ez an, n'euz ket goal-bell,  
'Vit deski lenn al leoriou,  
Mez ne ket avoalac'h deski,  
Red e d'in beza salvet,  
Ha va mam yad a fell d'ezi  
Va rei d'ar protestanted !

» O va mam ger, p'oan bihannik.  
» Pa gousken var ho parlen,  
» C'houi lare d'in : va bugelik;  
» Eveldon c'houi zo kristen !  
» Var va zal c'houi rea sin ar groas  
» Gant ho tornik benniget !  
» Hag hirio, mam, c'houi deu d'am c'has  
» Da skol ar protestanted !

# — 2 — Kiem en Bugel

» Al labousik, pa darz an de,  
» A gân e beg an derven :  
» Dispount ec'h ev gliz ar beure,  
» Kuzet dindan an delien.  
» — Ha me, pa zavan d'ar mintin,  
» Va c'halonik vez rannet !  
» Mont a rankan, en despet d'in,  
» Da skol ar protestanted !

» Araok m'oa skol e Pont-Menou,  
» Me c'helle mont d'an iliz,  
» Evit klevet ar zermoniou  
» Ha deski va c'hatekiz,  
» — Mez breman, siouaz d'am ene,  
» D'in an iliz zo zerret,  
» Ha me zo laket gant Doue  
» E renk ar protestanted !

» Ar protestant pa vez ar Pask  
» A jom trankil en e gér ;  
» Rag ne oar evit mont d'e glask  
» Na katekiz na pater.  
» — Mez me, evidon da veza  
» Eur gwir gristen badezet,  
» Va Fask n'am bezo ket da vla  
» Evel ar protestanted !

» Koulskoude bemdez d'ar beure  
» Hag abars mont da gousket,  
» Va Fater d'in c'houi lavare,  
» Ha ganec'h em euz desket :  
» Eo red d'eur bugel mad, bep bla,  
» Ober e bask, e retred.  
» — Deuz an traou-ze n' em o netra  
» Digant ar protestanted !

» Ar C'hoat a zo deut er vro-man  
» Evit hor brassa mallos !  
» Ne vezimp ket kaset gantan,  
» Birviken d'ar baradoz !  
» E skoliou a zo skoliou fall  
» Gant an Iliz kondaonet,  
» — Hon tud koz ne deant ket gwechall  
» Da skol ar brotestanted !

» Evel oll bugale Plegat,  
» Me garfe beza skoliet.  
» E Plegat ez eus skoliou mad  
» D'ar potrezed, d'ar botred.  
» — E Pont-Menou 'ma mesk-ha-mesk,  
» Ar botred, ar potrezed,  
» — Koumpren a rit ar pez a zesk  
» Er skol ar brotestanted !

» Etouez va c'hamaraded all  
» Me garie mont da c'hoari  
» (Ar c'hoari ne ket eun dra fall,  
» Red eo en em amñzi).  
» — Mez ni, bugale Pont-Menou,  
» Breman pa vezomp guelet,  
» Ne glevomp mui nemed ar iou :  
» C'houi a zo protestanted !

» O va mam gez, c'houi vel breman  
» Pegen trist eo va c'halon !  
» Abars nemeur me gouezo klanv  
» Ma tilezit ac'hanon !  
» — Guelloc'h e ve d'in-me mervel  
» Breman e-kreiz va gened  
» Eget dont da veza henvel  
» Ouz ras ar brotestanted !

» Ar c'hatékiz a lavar mad  
» Kaout respet ha karante  
» Evit hor mam, evit hon tad,  
» Hag e sentimp ouz Doue ;  
» Koulskoude ne ket red senti  
» 'Vit ober traou difennet.  
» — Rag-se, va mam, me ne din mui  
» Da skol ar protestanted !

» O va mam ger, en han Doue,  
» Klevit ouz klem ho pugel !  
» Diskuezit oc'h eur vamm a fe,  
» Eur gwir vam a Vreiz-Izel,  
» — Er barados m'ho pennigo  
» Da veza va zelaouet  
» Ha da c'hortoz, c'houi zikouro  
» Kas kuit ar protestanted !

Ha lebermied o uenodig a  
lisoed si inoù siring eil a  
diel siñvua (lisoed uenodig a)  
  
noskoudeu a uenodig a  
jeloneg ouez a mp amenti a  
nei ts feumou loar gwareg eil a  
l'heinoldestorq ou a lisoed a

cambray lez inodig eus maoz av O a  
lisoed a uenodig a laist dengal a  
vñslid evnonn eur igouez arsia a  
l'heinoldestorq lisoed a  
lavent em-nih a uenodig a d'allen a  
houez av stend a nemouez a  
levenez eus a lisoed lez a  
l'heinoldestorq uenodig a